

վարչական տույժ նշանակելու մասին

21 հուլիսի 2021թ.

ք.Գյումրի

Հայաստանի Հանրապետության պետական եկամուտների կոմիտեի Հյուսիսային մաքսատուն-վարչության պետ Նարեկ Գևորգյանս, քննելով Գարիկ Բաղդասարյանի (անձնագիր՝ AR0475900, ք Երևան, Բաբաջանյան փ, 287, բն 48) կողմից մաքսային կանոնների խախտում կատարելու վերաբերյալ նյութերը

Պ Ա Ր Զ Ե Ց Ի

Գարիկ Բաղդասարյանը 13.06.2020 թվականի թիվ 05100022/130620/0010998 տարանցման հայտարարագրի համաձայն Բավրայի մաքսային կետով ՀՀ տարածք է ներմուծել HONDA Odyssey մակնիշի, 2004թ արտադրության, 5FNRL38625B026598 նույնականացման համարով տրանսպորտային միջոց: Տրանսպորտային միջոցը ձևակերպվել է թիվ 05100020/250221/0000393 ապրանքների հայտարարագրով: 06.03.2021թ. այն հանձնվել է մաքսային մարմիններին ժամանակավոր պահպանման: Ժամանակավոր պահպանման ժամկետը ավարտվել է 07.07.2021 թվականին: Նշված փոխադրամիջոցի վերաբերյալ Գարիկ Բաղդասարյանը սահմանված ժամկետում մաքսային մարմիններին մաքսային հայտարարագիր չի ներկայացրել:

Փաստի կապակցությամբ 12.07.2021 թվականին Գարիկ Բաղդասարյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 194-րդ հոդվածի հատկանիշներով:

Գործի քննությունը նշանակվել է 30.07.2021թ. ժամը 11:00-ին: Արձանագրության և ծանուցագրի օրինակը պատշաճ կարգով ուղարկվել է կողմին: Գարիկ Բաղդասարյանը չի ներկայացրել գործի քննությանը, որևէ առարկություն, բացատրություն չի տվել:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ Ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Սույն օրենսգրքի 110-րդ հոդվածի 1-ին կետի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50.000 դրամի չափով:

Ելնելով վերոգրյալից և ղեկավարվելով ՀՀ մաքսային օրենսգրքի 194-րդ, 206-րդ և ՀՀ վարչական իրավախախտումների վերաբերյալ օրենսգրքի 32-րդ և 234-րդ հոդվածներով՝

Ո Ր Ո Շ Ե Ց Ի

1. Գարիկ Բաղդասարյանին ճանաչել զանցառու ՀՀ մաքսային օրենսգրքի 194-րդ հոդվածով և նրա նկատմամբ նշանակել վարչական տուգանք 50.000 ՀՀ դրամի չափով (տուգանքն անհրաժեշտ է վճարել 900005024055 հաշվեհամարին (ՀՀ պետական բյուջե, կենտրոնական գանձապետարան, Հյուսիսային մաքսատուն-վարչություն, ԿՈՂ 28)):

2. Որոշման մասին հայտնել Գարիկ Բաղդասարյանին:
3. ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

ՀՅՈՒՍԻՍԱՅԻՆ

ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

Ն.ԳԵՎՈՐԳՅԱՆ



Ստացա որոշման օրինակը ----- < > ----- 2021թ